

王弼仰先生遺著

翼室詩詞集

弟徐之遂敬署



王弼仰先生遺著

翼堂詩詞集

弟詒之遂啟署



## 翼雲詩詞集目次

翼雲詩詞集序

翼雲詩詞集序

涂公遂 3

甲編 錄目珠海校刊

乙編 錄自香江校刊

丙編 錄自亞洲詩壇及存稿

跋

王韶生 13 5



## 翼雲詩詞集序

癸巳秋，余任教香港珠海書院，識閩侯王公弼卿。公授土木工程，而擅文學，遂相契，適同家上元嶺，晨昏過從，議論經史辭章，常深夜忘倦，交益篤。時公與周君醒南，主持了閒乩壇，壇固遷自閩廈，宗婁大真人及其弟子，真人諱德先，明末殉國名臣，一時文人學士，咸虔仰之。每降壇，所示詩詞答問，典雅淵博，高彥宿儒，歎莫能及，曾注大洞經數萬言，尤令人拜服。又精醫術，凡奇難雜症，乞方無不驗。余嘗患肝疾，公代爲請治，服藥數劑而愈，其靈奇玄妙，殆不可思議，故公亦始終慎事之。戊戌歲，余轉任星加坡南洋大學教授，及壬寅返港，公亦移教香江書院，相見稍疏，戊申四月朔，公年七十二，積勞成疾，竟不起，友生哀之。余尤哽咽歷久無以自抑。公博學，旁通釋道諸書，善英文，治科學，並精審，曾本數理以論易，釋卦爻之衍變，發古今之奧闕，洵傳世作也。今公墓木拱矣。公摯友王君懷冰，爲蒐輯公生平詩詞若干首，名曰翼雲詩詞集，醵資印行，並屬序於余。余深感懷冰之古道高誼，俾公之遺作，能顯揚於天壤間，夫何敢辭，爰述交遊舊跡，亦以志余之慟，而報慰故人於碧落蒼霄之間也，是爲序。

壬戌三月涂公遂於九龍不溫齋

王弼卿教授詩詞（錄自珠海校刊）

滿庭芳

梅窩旅行感賦

翠嶺依雲，銀濤拍岸，海天一髮冥濛。梅村蟹舍，掩映畫圖中。暮地  
光生杳靄，疏雨過，碧影眠紅。荒灣靜，誰家鐵笛。吹夢老魚龍。  
相從宜此際，綠酣紅醉，人在歡叢。奈意迷心遠，未覺春濃。極目齊煙幾  
點，溟涬澗，魂斷天風。那堪又，江聲隱隱，傳恨到眉峯。

落梅

步友人元韻四之二

鐘殘小院忽飛霜，綺陌春寒臥草堂，開落暗牽鄉國恨，品流恰似水仙王。  
數聲鐵笛風前曲，一瞥銀雲月下粧。翠竹蕭蕭松谡谡，招來野鶴亦神傷。

開到東風第一花，合江春色動三巴（友人在蜀，成都合江園爲故蜀別苑，  
梅最盛）。燈燒別苑歌初歇。魂怯清吟木漸芽。畫角聲中飛凍蝶。夕陽影裏  
醉流霞。凌波去後無消息，碧海茫茫何處家。

春晚

其一

杏花零落柳花狂。怨留殘簫易斷腸。遠綠連雲迷野望。亂紅飄雨損年芳。  
秋千影落春遊倦，社鼓聲傳酒蓋香。陌上東風能幾日，愁看青鬢點新霜。

一縷茶烟廳鬢絲。錦鱗細細蹙春池。玉桃帶露憐方朔，綠葉成陰惱牧之。  
掠地燕歸新雨後，看花人老閉門時。繁華九十愁千萬，訴與東風總不知。

其二

蝶戀花

歲暮見水仙花感賦

獨倚東風憐日暮，吹散天香。尚被嬌花妬。誰念飄零今似羽，瑤琴一  
曲愁如許。回首汀洲無限路，夜雨天涯，也有相逢處。舞遍霓裳渾不語。  
凌波步弱空相覷。

鵝鴨天

其一

庭戶沉沉思渺然，漫勞書劍負華年。銜杯幾度題金縷，其奈芳情已化  
烟。花影亂，露珠圓，一痕明月靜無邊。瓶笙乍歇鐘聲動，敲破人天  
第幾禪。

其二

目斷巴江又楚江，江流曲似九迴腸。自憐酒热情偏怯，無奈人間日又  
長。多少事，怕思量，悲歡於我兩茫茫。最宜小院疏疏雨，帶得瓊樓  
夜夜涼。

慶春澤

邱友三同學七十壽慶

寒玉懸空，明河淡掃，海山迤邐無垠。鶴響雲高，舊音恍記同羣。星  
星華髮人猶昔，倚西風，天賦精神。醉芳筵，黃菊分香，四座生春。浮  
生七十勞人甚，任繁華閱盡，不改清貧。冰雪襟懷，問名無愧扶輪。洞庭  
涼雨湖濱路，記年時，數遍黃昏。最關情，藍華山林，眼底乾坤。

憶友

三年作伴蜀江濱，同是天涯淡蕩人。小雨霏霏閒煮茗，嘉言娓娓暗書紳。

相從獨抱平生意，羈旅誰憐落拓身。斜日山川千里外，愁腸宛轉似征輪。

次和躡躅行人秦園影事詩原韻

節錄十首之四

其一  
水去雲迴可奈何，聊將密意託微波。長蛾似月應難畫，一劍如虹不待磨。  
百劫人天無去住，中年情緒入絃歌。蘭因絮果從頭寫，十幅明箋未覺多。

其二

閒愁如夢閉門時，翦剪雙瞳淺淺眉，苑路月斜春寂寞，畫梁燈焰燕參差。  
心傷倦鵠飛難定，腸斷驕鶲至獨遲，架上荼靡開未遍，樓頭楊柳已如絲。

其三

鳳泊鸞飄亦可哀，不堪腸斷舊秦台。梨花院落深籠月，夜雨簾櫳獨引杯。  
蠟爲煎心都化淚，琴因劫火竟成材。庭前碧樹今誰主，好更移根上苑栽。

其四

漂泊原知恨已多，高樓徒倚好悲歌，風花一瞥乾坤老，江水無聲日夜磨。  
吟入秋心思縹渺，情移鷗夢隔烟波，庾郎身世冬郎筆。寫盡牢騷意若何。

咏梅

其一

每爲梅花倒玉尊。鐘殘小院掩重門。一枝照月橫窗影，寫出孤山處士魂。

其二

百萼千趺一樹春。高標端不染纖塵。背風萬片悠悠去，同是維摩示寂身。

落梅

次友人韻

其一

明如白玉冷如霜，又逐東風入畫堂。豈是飄零偏薄命，直從塵劫證空王。

青禽叫晚驚殘夢。膩粉凋痕透曉粧。一覺無言騎蝶去，枝頭涼月枉神傷。

其二

畫梁燈暗正飛花，月夜羅浮雨夜巴。夢斷西湖人萬里，香飄雪海木初芽。

書成鶴篆迷苔徑，影墜仙雲散綺霞。我亦頻年嘆飄泊，春來春去倍思家。

春日漫吟

其一

千旗穿市沸笙簫，一片紅雲映碧霄。人爲看燈忘看月，嬌娥無語妬春宵。

其二

露條烟葉暗孤村，兀兀無言酒半溫。飛絮撲簾風正軟，一番晴雪亂詩魂。

其三

春風吹綠暗長亭，鶯燕無聲臥畫屏。戶外啼鵠驚夢破，梨花打雨送微馨。

其四

倦蝶低徊芳意歇，蕩紅流水暗傷神。百花一一先春去，只有餘醺解送春。

喜遷鶯

贈友移居  
(友人曾任空軍將領)

燕簾鶯戶，正別業堂成，花香如注。讀史庭前，修然松竹，高潔不佔泥絮。懷想舊時江國，飛夢遙牽吳楚。猛回首，尚依稀，身在九宵深處。

凝竚，空帳望斜日亂鴉，俛仰悲今古。虹氣難銷，鷗眠未穩，依舊昔時襟度。太息壯懷何似，惆悵長空誰主。待歸也，便乘風高唱，大江東去。

蝶戀花 友人訂婚題名錄題詞  
錦綉園林春漸透，翡翠鴛鴦，小小皆珍偶。携手頻將宿願叩，相憐應惜花時候。  
紅豆暗拋人易瘦，幾載相思，試問郎知否。蝶竟琴情終不負，數行密約心頭鏤。

賀新郎

草色迷芳渚，暗思量，佳人窈窕，相逢何處。練月繁窗雲欲墮，夢醒芙蓉別浦。正隔院歌聲初度。銀鑰重關聽未聞，巧東風，吹送相思句。清夜永，漫凝竚。  
重簾不隔桃源路，記當時，琴邊月下，芳心低訴。止水盈盈無限意，爲怕年華輕誤。相期是，三生同住。翠繞珠圍春滿地，任安排金屋深深貯。梁上燕，也應妬。

蒲湘夜雨

寄懷

雁語高岑，蟲吟壞壁，一庭涼意蕭蕭。殘燈搖暈篆香消。空惜取，尊前歲序，都付與。江上寒潮。疏簾裏，詩情繞鬢，句帶愁敲。  
夢中綵筆，花間瘦影，說也無聊。驟聲笳吹，響徹層霄。秋漸老，繁星昨夜，思正遠，明月今宵。飄零久，梅花故國，冷眼望春韶。

高陽台

秋思

岸柳拖黃，汀蘆映白，畫圖寫出秋心。墜月繁窗，照人霸緒愔愔。十年去住都無準，認依稀，舊酒青襟。助愁吟，流恨江濤，搗夢村砧。  
悽淒叫雁含兵氣，驟聲傳別浦，影沒荒溝。千里蓬山，望殘煙水冥沉。樓高無奈情非昨，倚西風，不慣登臨。思難任，落日朱旗，莽莽平林。

喜遷鶯

除夕

春寬杯淺，驟雪盡南樓，餘寒難遣。畫閣圍爐，夜窗添燭，不放歲華流轉。嫩想濃懷依舊，驚綠憐紅相半。悄無那，正沉沉玉漏，暗催銀箭。人倦，還自嗟，魂怯獨吟，不盡江南怨。金鏤詞工，彩桃句好，翻覺意迷心遠。新恨慣先芳草，羈夢猶縈歸雁。更誰念，漸空王鏡裏，鬢絲如染。

陌上花

贈友之隴

雲萍兩載，算來只是一番分聚。斜日鞭絲，不盡別離情緒。萋萋芳草連天遠，目斷玉門春樹。任東風，攪碎游絲，馬蹄難駐。記揮毫落紙，龍蛇亂目，異代鍾王重觀。一幅屏山，珍重舊曾題句。才人去了江湖間，莫謾傷心羈旅。待重來，料理棋枰茶灶，夜窓聽雨。

滿庭芳

壽友

竹葉浮卮，桂華飄席，一庭涼月如煙。他鄉今夜，且共醉芳筵。回首十年書劍，人間事，不盡悲歡。休惆悵，關山寸寸，何處是吳天。客邊行樂處，朋簪勝會，文字因緣。正雲萍影合，蘭芍情堅。多少濃愁嫩想，分明在筆底行間。秋風裏，憐儂羨汝，一樣是中年。

臨江仙

梅花

疏雨斷雲江畔路，一枝乍破霜寒。仙姝縹渺下瑤天。青烟迷翠隴，啼鳥報春還。漠漠暗香無着處，驚心畫角聲殘。輕分輕聚耐悲歡。一痕明月靜，飛夢到孤山。

高陽台

落梅

畫角吹寒，天禽叫晚，一庭晴雪繽紛。烟逐波寬，殘香難返吟魂。夕陽影裏蒼苔上，似流霞，欲聚還分。料前林，霜鶴歸來，也怨黃昏。

閒吟慣寫江南句，奈江南萬里，草暗春深。東閣風流，空餘酒熱詩溫。杜郎老去心情減，掩銀屏，漫引離尊。最難堪，嫩子青青，綠意欣欣。

臨江仙

贈友時客漢上

無計惜春春自好，蕭條倦客情懷。一簾花影故人來。踏青欣有約，兩展漫安排。陌上繁華看未足，明朝依舊天涯。曲高和寡意難諧。征塵迷望眼，詩夢繞吟階。

踏莎行

秋思

雁字粘雲，江波盪月，故園望極愁千折。漫簪黃菊倚西風，一聲橫笛天涯闊。芳草無情，王孫有夢，等閒又近重陽節。不堪時序換匆匆。梧桐秋老飛殘葉。

浣溪紗

有感

瘦盡燈花意轉疑，凝情瑟瑟數歸期。乍驚霜訊隔簾衣。偶倚樓欄聽晚吹，更從天末望參旗。半床明月夢淒迷。

浣溪紗

秋夜

河漢無聲夜色涼，舊時明月在蒲湘。斷鴻零雁兩茫茫。燈火虛堂更漏永，茶烟禪榻鬢絲長。愁風愁雨又重陽。

踏莎行

懷友

門掩黃昏，庭花弄影，懷人一夜春江暖。夢雲飛不到吟邊，輕烟淡淡溪山遠。磊落孤懷，風塵倦眼，天涯結得隨緣伴。一尊說盡古今愁，別來更恨相逢晚。

王弼卿教授詩詞

(錄自香江校刊)

香江書院教育學會成立十五週年紀念率成十韻奉贈

凌博士子鑾

遺風今鹿洞。化雨舊桃蹊。翠幙張銀榜。花光映紫泥。系科知有別。成就問何躋。教育兼儒術。規謨各法梯。凌雲佳士衆。跨海盛名齊。挺拔凌夫子。琳瑯一介珪。學深資鍛鍊。道遠更提攜。詩選千家外。聲蜚萬國西。飛騰超等序。灑落出天倪。勝會歡無極。簪裾望欲迷。

春晚

滄江波暖綠粼粼，屈指天涯幾送春，陌上柳絲初拂水，壠頭梅子已生仁；花開首蓿偏宜晚，酒對荼靡默愴神，作客倍思尊菜美，素衣空復想京塵。

花月吟

效六如居士連珠體

其一

花有清香月有陰，對花呼月侑芳尊，一庭皓月籠花徑，滿樹梅花伴月痕；雨暗月沉花有淚，春深花老月無言，好花好月難兼得，醉把飛花帶月吞。

其二

月姊花神各自愁，花光隱隱月光浮，一庭月靜花如霰，幾樹花飛月欲流；月再明時花已謝，花重開處月難留，轉頭花月知何似，醉月評花夜未休。

其三

人間花月苦纏綿，桂樹花開桂月圓，此日月爲花下客，當年花是月中仙；花情月意空如許，月魄花魂定解禪，月自無心花自老，花晨月夕夢如煙。

## 鷓鴣天

梅花

庭戶沉沉漏正長，一聲冷笛破蒼茫。殘燈紙帳人無夢，明月梅花憶故鄉。  
思往事，惜流光，等閒閱盡幾滄桑。春風詞筆何郎句，話到飄零總斷腸。

## 春日漫吟

酒醒天寒夜似年，相思迢遞隔輕煙，一簾香月人如夢，惹起閒愁又破禪。

芹泥雨潤晚風微，燕子雙雙貼地飛。悄向舊巢相並立，似聞軟語惜分離。

## 咏梅

十之四

每爲梅花倒玉尊，鐘殘小院掩重門。一枝帶月橫窗影，寫出孤山處士魂。

其二

一枝寒艷掛斜階，雪洗風吹出異香。夢斷西湖人萬里，誰家玉笛數聲長。

萬萼千趺一樹春，高標端不染纖塵。背風萬片悠悠去，同是纖塵示寂身。

其四

宵玉漫天着地輕，危樓橫笛動離情。無端又作經年別，只恐相思太瘦生。

## 鷓鴣天

月夜

三月江南綠草長，春風吹送柳花香。月華如練懸空瀉，波影浮金隔岸光。  
推繡枕，起徜徉，舉杯對影自思量，年年旅客傷春去，醉擁千愁入夢鄉。

王弼卿教授詩詞（錄自亞洲詩壇及存稿）

### 次和躡躅行人秦園影事詩原韻

唾點啼紅着袂香。碧雲初墮夜初涼。金卮酒热情偏怯。玉杵聲殘漏正長。

已共秋花分瘦影。更隨明月夢瀟湘。秦園影事流傳久。又入騷人翰墨場。

柔情如水貌如神。說劍吹簫意倍親。花好但愁雲碍月。傷多豈厭酒沾唇。  
燒燈院落雙飛燕。夜雨簾櫳一倦身。瘦盡瓊枝春不語。空餘紫蝶往來頻。

書感  
其二  
閒扶短杖著芒鞋。踱過松杉又竹西。一種閒情誰領悟。千山日落鷄鳴啼。

細草如茵入畫圖。隔江山色辨模糊。萬松滴翠源陰薄。只有山禽自在乎。

其三

蟋蟀聲中綻豆花。扶篋閒過野人家。分明白鶯隨風下。靜對蘆汀宿淺沙。

### 百字令

其一  
一番春暮。奈年年，別是一番情味。少日豪華狂似我，勝事悠悠堪記。

馬上花間，燕簾鶯戶，歲月閒中醉。東風依舊，鬢絲無奈憔悴。自分琴劍飄零。天涯此夜，且一枝聊寄。心事而今偏又在，倦蝶殘簫聲裏。

紅雨迷空，綠雲遮夢，惱亂孤吟意。纍纍青子，懸枝猶帶酸淚。

### 咏梅

其二  
不辭雪虐與風欺。開遍南枝又北枝。刻意先春春已至。淒涼心事祇春知。

屑玉漫天着地輕。危樓橫笛動離情。無端又作經年別。祇恐相思太瘦生。

### 滿庭芳

賀林翼中先生八秩大慶

鶴響高岑。星迷遠極。蒼茫六合無邊。雲移風定。玉局下飛仙。檻外  
鶯翔鳳舞。鈞天奏，運轉湘絃。清夢滿，長年好願。人月正同圓。  
望齊烟九點。關河故國。縹渺長天。漸蕙蘭蹊徑。弟子三千。多少桑麻舊話。  
仁聲在。衆口爭傳。相期又。期頤晉壽。重觀漢山川。

### 慶春澤

壽何孟直老師八旬晉四

波映銀河。光含紫極。海山迤邐無垠。樂奏鈞天。隔簾華雨繽紛。青  
衾白髮人長壽。數華年、明月前身。乍凝眸、春滿雲屏。綠滿金尊。

薪傳一貫天行健。仰雙輪日月。兩鬢乾坤。拈韻分題。依然立雪程門。  
江山如夢神京遠。漫消遙，十丈紅塵。最難忘，故國秋鱸，舊館秋芸。

### 蝶戀花

歲暮

日暮馬嘶芳草遠。望斷江南。獨倚欄杆遍。往事不堪重記省。閒愁漸  
入星星鬢。昔日風流今漸懶。客路春風。惆悵年華換。一徑落梅簾不  
捲。歸心暗繫斜陽岸。

### 次韻躡躅行人秦園影事詩原韻

世路艱嶮極不平。怕聽鴈響度高城。西風茅店黃蕉餅。夜雨山厨綠芋羹。  
消受一貧非矯俗。乘除萬變只平情。可親燈火研周易。小築雲棲已告成。

兩端曾叩笑空空。一瞬時光迥不同。蒲扇影搖當檻月。蕉衫涼逌過廊風。

麝薰乍燼。禪徐領。蘭殼初停曲未終。昨夜今朝又明日。幡然贏得白頭翁。

### 滿庭芳

寄懷

華髮驚春。青袍映草。綠楊門巷愔愔。閩山湘水。故國十年心。陌上  
間花謾舞。蒼波外、雨暗雲深。疏簾捲、東風細細。吹夢落遙岑。  
吟空有寄。調商刻羽。幽恨難禁。悵舊時明月。猶照江城。認取蓬萊清淺。  
千山靜，何處潮音。尊鄉遠、梅溪柳岸。但向畫圖尋。

### 書感二首

左右支吾問故園。時衰獨有鶴乘軒。萬蘿底事偏緣木。葛藟猶能自庇根。  
江闊愁看孤月小。天寬怕見衆星繁。由來天道無公論。太息青蠅正上攀。

猶憑伏臘望長庚。絕底明漪繞檻清。洗硯月隨孤掌動。捲簾山向瘦肩迎。  
煨來榦榦殘年近。溯到蒹葭一水盈。桃李春風杯酒樂。好從七載報恩成。

### 次和躡躅行人秦園影事詩原韻

世事休談賦考槃。翛然草服與黃冠。苔痕作蚪緣空壁。松影如龍布石壇。  
午夜雞催銅漏短。遙天鳳訝玉笙寒。分明春色枝頭好。付與梅花仔細看。  
松分虛籟傳空谷。竹亞晴梢度遠山。消受一閒誰遣此。柴門雖設日常關。  
年年春色比人頑。依舊桃花水滿灣。寶鼎盤雲龍已渺。江船載月鶴俱還。  
別來楊柳又依依。檢點羅衫換葛衣。蓮葉接天香一簇。桐陰如水燕雙飛。

豪情漸逐靈槎遠。禪意還探貝葉微。除卻首陽乾淨土。吾儕持此欲安歸。

竹林燈火共心期。齋罷聞鐘聽講時。冰簾迎涼秋已近。珠簾捲月夜何其。

真狂不藉劉伶酒。愈瘞還期杜牧詩。會想閉門專一壑。塵寰長謝又安辭。

故家夫婿是王昌。歌管而今屬玉郎。錦瑟無情稀笑面。胭脂含怨倦梳粧。

閒題秀句驚鸚鵡。醉依天花感法王。十疊新詞千疊恨。書將花葉付蕭娘。

瓊瑤不穠檻前栽。甘隸妝樓亦異材。浩浩乾坤雙白鬢。茫茫身世一停杯。

愁看帶雨如花面。照入空王舊鏡臺。豈築梢頭春漸老。江闌詞賦總含哀。

### 春柳

三首

堤遠沙平入霧昏。閒來每愛立柴門。慵將醉眼窺餘綠。怕遣愁眉憶夢痕。

春色已臨三月暮。笛聲猶在夕陽村。踏歌人去柔條老。前事茫茫懶細論。

鶯聲嚦嚦燕翩翩。蜀郡風流憶少年。堤路日斜宜繫馬。河橋春晚訝飄綿。

青旗映白迷晴樹。翠縷拖金拂暮煙。昔日長亭今日酒。夢雲飛不到愁邊。

### 書感

二首

居然天賦眼眉腰。翠縷蒙茸暗市橋。萬綠叢中飛白絮。夕陽影裏駐蘭橈。

風前紫燕千回舞。葉底黃鸝百囀嬌。唱罷陽關人自去。可憐折盡短長條。

雲盡天空翠黛低。流鶯嚦嚦草萋萋。柳搖軟綠嬌無力。鴉暗斜陽望欲迷。

春事已如雲夢散。笛聲猶在畫橋西。榮枯一瞥看應慣。莫向人前浪笑啼。

浩浩天風起八垓。心存人我意多猜。青山本自無今古。明月何曾有去來。

百劫蓮華空色相。霎時蜃氣幻樓臺。談禪那似逃禪好。一醉還教衆妙該。

### 紀遊

春原芳草又萋萋。問柳尋花信馬蹄。雲縛松撐知路迥。湖心萍散覺天低。

招邀社甕追新賞。拂拭殘碑覓舊題。最是山禽難解意。枝頭磔磔向人啼。

紫檀香裊霏霏。萬斛松濤護短扉。古渡星沉荒簷冷。蒼崖影落素鯨飛。

看雲頓悟天機妙。啜茗還探理解微。聞道春秋佳日近。招邀相與醉忘歸。

桃花嫩漲趁橋灣。多謝青禽數往還。百載風情清勝月。一春詩思嬾於山。

寺僧汲淥評溪茗。巴女輸橦浣露管。沿澗鵝鴨成舊識。天然圖畫不須刪。

眼界能寬木末亭。蒙茸躡屐我曾經。龍吟滿院寒松翠。鳥歎長淮遠樹青。

欲遣一樽酬短景。相憐殘局數寥星。釣竿夢想昇平事。付與江湖未忍聽。

西風吹我到江城。眼見黃華十日晴。諧俗且謀同井醉。避人難覓別蹊行。

白蘋根散魚標動。紅蓼花疏蟹火明。卻厭麗譙鳴鼓角。攬來殘夢過殘更。

卻遣閒愁酒不靈。此心古井自惺惺。船頭呼月無垠白。馬首逢山到處青。

江柳迎風消宿靄。渚蒲經雨散微馨。紆迴叱馭城闈轉。來去都經絕巘亭。

爲言此地接蓬萊。老至寧驚白髮催。月到圓時防漸缺。花經落後喜重開。

寒鴉點點摩雲去。乳燕雙雙逐水來。悟得天機無限好。掀髯一笑獨徘徊。

煮茗甌翻山漾列。刷苓籃護濕雲輕。南中近臘天常暖。小立欄杆句又成。

### 寄懷

最愛虛齋向晚晴。野花遍地不知名。攀躋危磴呼猿導。指點寒林領鶴行。

王免金烏戶外遲。看雲忘卻立多時。荒碑雨過蚪紋活。夜榜潮生鷁首移。

### 佚題

輞水清遊摩詰畫。劍南危涕放翁詩。如山憂患人誰識。把定心苗是我師。

無端觸緒首重回。風緊潮生瘴忽開。打漿春波隨棹去。捲簾晴翠撲床來。

料知閏歲遲花訊。祇爲餘寒戀酒杯。萬事都歸雲入壑。晚來許我發新醅。

寂寂寒廳屏雜賓。行庖四序備時珍。金樽不辨鵝兒色。銀蒜頻教燕子噴。

老去魚餐常去乙。亂餘村語尚含辛。海濤只在紅牆隔。策馬歸來一欠伸。

碧紗窗外隔秋煙。愛步城南尺五天。雨竹墮螢青有暈。江萍下鷺白相連。

堪嘆惡習營三窟。願庇仁人受一壓。芋栗能收貧豈甚。素餐愧煞大官錢。

暮色侵窗露半庭。蠋涎緣壁有餘腥。蕭森古木迷荒徑。寂歷寒潭浴亂星。

晚照初收林鳥墜。天風微動寶花零。年來豪氣消除盡。雨夜焚香讀道經。

窮巷春風偶一經。任教瘦蝶舞伶俜。寒花着艷時飄茜。野鶴乘空有墜翎。

聯榻便思評舊雨。推枰一笑數殘星。遙天欲雪雲如暮。得醉渾忘爾我形。

算來身世等浮漚。轉眼風光又麥秋。櫻虎卻遭馮虎忌。乘龍未解杞人憂。

樽前明月知誰共。檻外長江看自流。衣襠褪香無幾在。倚欄綠鬢也關愁。

靜坐能令萬慮刪。相將野鶴度松關。芙蓉凝露紅千點。楊柳隨風綠一彎。

寄遠無魚空得水。倦飛有鳥且還山。銅駝荊棘干卿事。紫塞黃龍盼賜環。

何須逭暑訪烟蘿。半角茅簷出短河。繞屋千章多夏木。閉門一榜自清波。

數雙瘦蝶穿林蓀。三五流鶯掠浦荷。還怕倦餘春睡後。涼風吹夢入南柯。

### 佚題

三生禪榻鬢絲絲。庭樹參差水一池。曾是東風吹又綢。清光不負月明時。

風吹海綠浪翻空。水去波寬望不窮。此是眼前虛境界。一緣一法有無中。

楚天如夢楚雲深。落日高臺自古今。目斷沅湘更西海。浩歌千載有餘音。

三 分 明 月 二 分 秋 。 淡 淡 銀 河 向 海 流 。 隔 水 蓬 菜 望 清 淺 。 乾 墓 浩 荡 一 沙 鷗 。

騰 謄 海 氣 酿 春 陰 。 花 月 江 山 久 廢 吟 。 老 去 風 懷 淚 未 滅 。 却 舒 醉 眼 望 枫 林 。

乞 得 霜 紅 上 醉 顏 。 風 波 門 外 不 相 關 。 奢 簪 笑 指 隅 前 鶴 。 遠 海 歸 來 頂 自 丹 。

碧 海 銀 潤 翠 一 團 。 人 間 花 草 竞 芳 菲 。 舊 家 院 落 春 如 住 。 簪 捲 東 風 燕 自 歸 。

江 山 如 夢 角 聲 中 。 今 古 兮 亡 一 笑 空 。 浮 海 定 知 吾 道 在 。 荒 城 回 頭 幾 西 風 。

歲 華 如 夢 酒 杯 空 。 姓 紫 嫣 紅 各 自 工 。 添 得 鬢 絲 千 點 雪 。 不 教 禪 桶 負 春 風 。

迢 迢 銀 闕 桂 堂 春 。 浩 浩 清 光 冷 迫 人 。 待 駕 玉 塏 超 八 極 。 紫 雲 深 處 是 神 京 。

### 翼雲詩詞集跋

翼雲王弼卿先生。羽化登仙，迄今已有一十五載；即搜求其遺稿，亦閱多年，從事抄錄，謀付剞劂。茲始竣事，非敢慢也，蓋有待也。先生體氣高華，而懷抱淡永，當其少壯之日。雖專攻土木工程，精於天算之學。然平素沃聞詩禮。洞明國故，所爲詩詞。戛戛獨造；一往情深。以仙佛之心腸，寫兒女之結習。要非常人所可忖度也。是集所錄詩詞祇百數十首，其精光自不可掩。世有識者，當味余言。助印者爲翁鳴、涂公遂、凌子鑒、何敬羣等諸友及本人。抄錄者爲唐玉麒、莫雲漢兩君，及楊小燕女史，例得書。

豐順王韶生敬跋於珠海文史研究所時民國第二壬戌二月二十六日

35965794

C47  
PC  
2919  
B56  
X528  
1982

翼雲詩詞集

著作者：王弼卿  
出版者：了閒道社

荔枝角道 28 號 14 樓 1402 室

校對者：黃福銓

承印者：廣記印務公司  
香港上環西街 49 號  
(非賣品)